



安徽通志

ル 5  
1575  
13





1575  
14



重修安徽通志卷四十二

輿地志

關津四

潁州府

沈邱鎮阜陽縣西北一百二十里卽古寢邱也有巡檢戍守

包家寨縣西六十五里宋劉錡破烏珠鄉民保聚於此

永安鎮縣東南百里周世宗伐南唐至永安鎮卽此或以爲唐

時永樂縣

中村集縣南八十里前臨谷河

功立橋集縣南九十里

黃橋集縣北六十里

紅林集縣南一百一十里



董家集縣東北一百里接蒙城縣界

右阜陽縣關市

三里灣渡縣東三里潁河與黃河合處

畱陵渡縣東六十里沙河

茨河渡縣西二十五里茨河

官擺渡縣西十五里潁河

中村岡渡縣南七十里谷河

劉家渡縣東南一百一十里淮河

毛家窩渡縣東南沙河

黃連渡縣西九十里潁河宋劉錡毒潁水上流以困金兵卽其地

朱皋渡縣南一百二十里汝河

岳湘渡縣北一百二十里淝河

七星橋縣南五十里

七旗橋縣南七十里

通濟橋縣北關外二里

新溝橋縣東二十五里

功立橋縣南百里

洞龍橋縣東四十里洞窩溜集

站溝橋縣東五十里今圯

夷陵橋縣東六十里

白龍橋縣西一里水自西湖東桑園蘆花湄三派合流入潁又名飛虹橋

板橋縣東南七十里



栗頭店橋縣西六十里店西頭

懷歐橋縣西北西湖東一里

陽橋縣西九十里

驛口橋縣西一百里

宜遠橋飛蓋橋望佳橋俱在西湖宋歐陽修有三橋詩

油店橋縣西南一百四十里

右阜陽縣津梁

正陽鎮潁上縣東南七十里淮水之西亦謂西正陽以壽州有  
正陽鎮在東也周顯德二年伐南唐使李穀等爲浮梁自正陽  
濟淮南元至正九年董文炳於此築兩城以遏宋兵

八里塚鎮縣東南六十里商賈帆檣相望爲淮潁襟要

漕口鎮縣西南五十里南臨淮河西通潤河俗呼爲南照集

江口鎮縣西北四十里沙河東岸卽宋江陂鎮舊嘗置驛於此

王墅鎮縣西北六十里江口東北岸

畱陵鎮縣西北五十里沙河東北岸

右潁上縣關市

關洲渡縣西南四十五里通霍邱

漠河口渡縣東五十里今改興河口

廟臺渡縣南二十五里

正陽渡縣東南七十里

韓家渡縣西北二十里又名涵沙渡

八里塚渡縣東南五十里

大溝橋渡縣西三十里橋圯設渡

江口渡縣西北五十里又名晴江渡



八里河橋縣南八里

五里橋縣西五里湖同治十年縣人曹貫清獨建並捐田產以

備修葺

謝家橋縣北四十五里

長林橋縣東北十里跨王愛溝

林家橋縣東北五十里通壽州

高橋縣西南三十里

大石橋縣東南四十里

黃岡橋縣東南五十里

蓮花橋縣西八里今圯

大溝橋縣西三十里又西為黃溝橋

右潁上縣津梁

開順鎮霍邱縣南一百六十里有巡檢明正德中鎮民解仲朝  
奏設開順縣議者以霍之田賦貨財皆出於此若設開順縣則  
霍邱廢矣因不果

高唐鎮縣西六十里亦曰高唐市宋紹興初金兵由潁壽渡淮  
敗宋軍於高唐即此明成化閒置巡檢尋裁

臨水鎮縣西九十里

三劉集縣東南五十里

河口集縣南六十里

汪家集縣西三十里

三河尖縣西一百里有巡檢

新店鋪縣西三十里

右霍邱縣關市



豐河渡縣西南十里後設橋今圯仍改渡

高唐渡縣西五十里

溜子口渡縣東北四十里

臨水渡縣西一百里

凱山渡縣西三十里

三劉集渡縣南六十里

清河渡縣北六十里

關洲渡縣西六十里

汶河渡縣東南八十里

敦義橋縣南二十五里

大甄橋縣南四十五里

義城橋縣南六十里

白露橋縣北二十里

陳榮橋縣北二十五里

羅澗橋縣北三十里

旅思橋縣北七十里

窯澗橋縣西五里

上石橋縣西南五十里

右霍邱縣津梁

亳州關戶部權課

雙溝鎮州南六十里

鈞魚臺集州東三十五里

重興集州東五十里府志作十五里

花溝集州東南九十里



油河集州南五十里

魏家岡集州西北二十里

五麻溝集州東北十八里

渾河集州東北四十五里

右亳州關市

靈津渡州北門外舊有橋跨渾河宋祥符六年賜名靈津陳堯

叟誤記橋久圯今設渡

李家渡州東三里

車埠渡州東十里

韓家營渡州西五里

九里溝橋州南九里

十字河橋州南三十里

通津橋州南四十里

雙溝橋州南五十五里

五麻溝橋州東北二十里

包河橋州東北三十里

油河橋州東南四十五里

普濟橋州東南四十里又州北一里大橋亦名普濟橋州志范

公橋卽普濟橋重修爲永清橋

傅家橋州東南六十里

霸陵橋州東二里

張村橋州東南一百四十里

趙家橋州東六十里

西臺橋州西二里



右亳州津梁

義門集渦陽縣西北四十里臨渦河水陸通衢有巡檢駐守

西陽集縣東四十一里

王家市鎮縣南八十里

佛鎮集縣東南一百二十里

張村鋪縣西二十五里

右渦陽縣關市

席家樓渡縣東關外

上洲渡縣西關外

西陽渡縣東四十里

趙家屯渡縣西

小石橋縣東跨邵家溝

蔣公橋縣西關外

大石橋縣西四十里義門集兵毀民建

劉家橋縣西四十里白洋溝

右渦陽縣津梁

洪山鎮太和縣北九十里有巡檢戍守

斤溝鎮縣北六十里

甄橋鎮縣西南十一里

界溝鎮縣西北六十里亦名界首集

三廟集縣西北二十五里舊名十里溝集

光武廟集縣西北七十里

舊縣集縣北八里為太和第一鎮市

倪邱集縣北六十里臨茨河即倪寬故里



元牆集縣東北四十里臨茨河即古百尺鎮

蒲溝集縣北七十里

三塔集縣東北三十里

雙浮圖集縣西北三十五里

淝河集縣東北九十里

右太和縣關市

和陽驛渡縣西三里沙河

舊縣渡縣西北九里沙河

王家埠渡縣西北十五里沙河

焦家埠渡縣東二十里茨河

關家埠渡縣東二十里茨河

漁孫埠渡縣東二十里茨河

馮家埠渡縣北二十五里茨河

雙浮圖橋縣北三十里

李忠橋縣北四十里

龍泉寺橋縣北六十五里

倪邱橋縣北七十里

板橋縣北七十五里

蒲溝橋縣北八十里縣志作三十里

白廟橋縣東北二十里

張貴橋縣東北三十里

甄橋縣西十里

穀河橋縣西北八十里

右太和縣津梁



內津鎮蒙城縣北三十里

移村集縣東四十里

雙澗集縣東三十里有向陽公館

倉上集縣東南六十里

界溝集縣東六十里

陳搏店縣南五十里有陳仙公館

駱駝集縣南三十里有樂土公館

西新集縣西南二十里

蔣疇集縣西南七十里

小澗集縣西北二十五里

板橋集縣北三十里

右蒙城縣關市

渦陽渡縣北關

七里渡縣西七里

小澗渡縣西二十五里

雙澗渡縣東三十里

移村渡縣東四十里

界溝渡縣東六十里

陳仙橋縣南五十里舊名陳搏橋跨茨河

廣化橋縣北三十里跨淝河

宮家橋縣北五里

內津橋縣北三十里

官家橋縣西北八十里

馬廠橋縣東南三里



西雙澗橋縣東南三十三里今廢

謝家橋縣東四十里跨淝河

永安橋縣東南六十里元大曆中建

棗木橋縣東南九十里跨茨河

世農里橋縣東十八里跨龍王廟溝一名世豐橋

板橋縣東北三十里跨淝河今改名垂雲

韓家橋縣西三十里跨茨河按縣西三十里不至茨河今茨河亦無此橋

魏家橋縣東二十五里

福甯橋縣西八十里卽宋城父縣福甯鎮地

汪家橋縣西南三十里跨茨河

楊界橋縣西南二十里

蒙觀橋縣西北六十里

廟橋縣西北九十里

右蒙城縣津梁

滁州

清流關州西北二十五里南唐置關遣將皇甫暉等屯此又西

北石駝山有北關口卽清流關之北口也

烏衣鎮州東南三十里

珠龍橋鎮州西北三十里

大柳鎮州西北六十里元末州人保聚於此

新安集州南三十里

大沙河集州北二十里

壘子墩集州北四十里

旦子岡市州東南二十里



關山市州西北有東西二市

右滁州關市

東河渡州東濟清流河

北角河渡州北濟清流河

馬家埠渡州治與北角河相接

東陽橋州治小東門外跨沙河

豐樂橋州治大東門內

廣福橋州治西一名西橋又名廣惠橋

五川橋州治即清流橋

呂家營橋州東通六合縣

雙城橋州東

九板橋州東南十里

圓惠橋州南

腰鋪橋州北通來安縣

河村橋州東南通江浦縣

薄陽壩石橋州南通全椒驛路

珠龍橋州西北三十里珠龍鎮西

大柳鎮橋州西北六十里大柳驛

右滁州津梁

緒澗市全椒縣南十五里臨襄河

赤石埠市縣南三十里

陳家市縣西南五十里

白酒岡市縣西十五里

西家鋪市縣西二十五里



小集店市縣西三十五里

柴家岡市縣西北五十里

六丈市縣西四十里唐置六丈驛於此

右全椒縣關市

石潭渡縣東十五里

赭澗渡縣西七十里

迷溝渡縣南二十里

雷家渡縣南三十里

後河渡縣西南三十里濟滁河南岸屬和州為往來孔道

陳家市渡縣西南五十里

古河灘渡縣西七十里

趙家埠渡縣西七十里為巢縣孔道

石梁頭渡縣西九十里接廬州合肥縣界宋劉錡與金夾石梁而陣即此

積玉橋縣東百餘步跨襄河一名市石橋晉咸安元年桓伊等擊苻秦將王鑿張蚝於石橋即其地金人與宋亦大戰於此

永安橋縣東十六里

永濟橋縣西六十里一名傅家橋

湖陂橋縣東北十五里

高公橋縣東北二百餘步宋紹興三年建今重修

賀櫓橋縣東二里俗名太平橋

寶林橋縣西半里跨襄河

興塘壩橋縣東三里宋元祐八年建

白汪橋縣西二里地有白汪塘故名



六丈橋縣西四十里六丈鎮一名鳳皇橋

赭澗橋縣南十五里

府城岡橋縣西十里

玉橋縣西南三十五里

青龍橋縣西南四十里

官壩橋縣西南四十五里

石許橋縣北三里

江家平橋縣西北十五里

石牌橋縣西北二十里通定遠縣

林家壩橋縣西北七十里大墅街

右全椒縣津梁

水口鎮來安縣南三十里

白塔鎮縣東北六十里宋置驛及稅務建炎中又置巡檢後裁

杜家集縣東三十五里

陳官集縣南五十里

章山集縣東北十五里

古城集縣北八十里

秋沛市縣西三十里宋置稅務於此後廢

右來安縣關市

沙子河渡縣南四十里

石板灘渡縣南五十里卽費家渡

小河口渡縣南四十五里

張家堡渡縣南七十里

三汊河渡縣南四十里



沙澗渡縣東南二十五里

龍尾橋縣東門外跨龍尾河

毛家橋縣東四里通六合縣

赤山湖橋縣東三十五里

神霄宮前橋縣北門外三里今廢

庫北橋神霄宮橋北二里宋淳熙中建

蘭沛橋縣南九里宋元祐中建

觀風橋縣東南二十五里水口市橋舊為石梁長百三十尺廣十五尺高倍之歲久圯於激湍宋淳熙中重建明永樂嘉靖中增修今廢

界首橋縣東三十五里橋東為六合縣界

慶成橋縣西門外明萬曆中重建

甯家橋縣西十三里宋元祐七年建

右來安縣津梁

和州

白塔關州西四十里

陡陽關州西北四十里斗酸山北一名斗酸關巍然峻絕一徑中開明初遣張天祐等將奇兵出陡陽關進薄小西門即此又州東二十里為石湖關宋紹興辛酉烏珠再侵境張浚以兵五千守石湖關敵遂退

渭野關州北五十五里一名夾山關兩山壁立山口崎嶇路通滁州界為南北咽喉明正德中巨寇劉六等犯境州同知薛渭野壘石置寨於此故名

梁山鎮州南梁山下山與博望山對峙蕭齊建元二年置二軍



於東西梁山陳霸先將侯安都等舟師亦立柵於此

姥下鎮州西南三十里

裕溪鎮州南九十里有巡檢

歲豐鎮州西四十里

石跋鎮州東北三十里宋開禧中州守周虎嘗築石跋城於浮

沙河北卽此

青陽鎮州北七十里

烏江鎮州東北四十里接江浦縣界卽烏江舊縣秦烏江亭也

明萬曆中移牛屯河巡檢駐此

右和州關市

楊林渡州東二十五里自江口至州城皆植楊柳故名宋紹興三十一年虞允文遣舟師截金兵於此地理通釋和州東二十

里有西采石其下有楊柳渡

車家渡州東北故烏江縣東南宋史志烏江縣車家渡可徑衝

建康之馬家渡

葉公渡州南六十里

清勝橋州南門外

迎春橋州城東水關上

迎恩橋州南一里跨橫江渠

赤埭壩橋州東北十五里

姥下橋州南三十里跨姥下河

白渡橋州南四十五里跨牛屯河自銅城堰以下匯七十二圩

之水皆由此出今半圯

黃埭壩橋州東北二十里



大興橋州南五十里跨牛屯河達梁山

河村橋州北十五里有東西二橋

楊荷橋州北二十里吳末張悌濟江圍都尉張喬於楊荷橋卽此

黃梁橋州西三十里

夾山橋州北五十里路通滁州爲往來孔道

永濟橋州西四十里

潯陽橋州西四十五里今圯

功勝橋州西南五十里蓋卽宋功剩鎮之訛

秦甯橋州東北烏沙鎮

右和州津梁

昭關含山縣北三十里小峴山西兩山對峙爲廬濠往來之衝

其口可守禦史記范雎傳伍子胥橐載而出昭關卽此宋紹興十一年王德復和州金兵退屯於昭關三十一年金主自渦口渡淮守將王權棄廬州亦退屯於此又張浚嘗因山築城置水櫃以遏金人

含山關縣東十五里背山臨湖險要可守久廢

魚峴口縣西二十里自巢縣而東由石梁通石門山東南徑達

梁山爲戍守要地

東關縣西南七十里濡須隴之北與無爲州巢縣接界其地險

峻周圍皆石三國時爲戍守重地宋史志含山縣有東關砦久

廢

運漕鎮縣南八十里地臨大河上接巢湖下通大江居民稠密

商賈輻輳之地



大樸樹鎮縣南十五里

三汊河鎮縣南八十里

銅城插鎮縣南六十里

仙蹤鎮縣西北三十里

清溪鎮縣西三十里

在安鎮縣北四十里元豐九域志縣有清溪仙蹤再安石門四鎮在安即再安之訛

右含山縣關市

鄧家渡縣南七十里濟黃墩後河

張家渡縣南八十里相近有王海渡尹家渡

魏家渡縣南八十里運漕鎮濟裕溪河通無為州

殷家渡縣南七十里

左家渡縣西南八十里海子口河

東關渡縣西南七十里路通巢縣

司家渡縣西五十里

觀音橋縣南門外跨縣河一名石橋元至正初建覆亭其上今亭廢

看花橋縣南三里跨大澗

魯橋縣南五十里跨魯港

仙蹤橋縣北三十里仙蹤鎮

尉子橋縣北四十八里名勝志宋統制姚興戰死於此又見巢縣

登科橋縣東南一里跨濠上今圯

撥米橋縣東五里今圯

柳林橋縣東十里



永勝橋縣西三里一名清江段橋

進賢橋縣西十里跨縣河

清溪橋縣西三十里清溪鎮跨清溪河

右含山縣津梁

東關鎮西南十里  
六安縣西南八十里

重修安徽通志卷四十三

輿地志

關津五

廣德州

苦嶺關州東南七十里路通浙江安吉州界亦險隘處明正德十二年孝豐賊湯毛九倡亂知州周時望設民兵守禦於此四安鎮州東五十里與浙江長興縣接界陸行通道宋建炎中烏珠自廣德經此陷獨松關即其地  
杭村鎮州西七十里  
右廣德州關市

誓節渡州西五十里唐末黃巢作亂土人張姓者率鄉兵捍之誓死不屈遂沒於溪故名



滄河渡州北二十里

朱灣渡州東北四十里路通浙江長興縣

咎埠渡州北二十里

倉橋州南豫備倉前

節義橋州南十里

永興橋州南二十里

土橋州南四十里

梅花橋州北門外知州鍾振築鳳皇墩於橋左更名鳳皇橋

樸水橋州北五里

西澗橋州北十五里

新河橋州東門外

楊耶橋州北二十里俗名楊菴橋

武定橋州治東舊名迎貞因屢圯立真武廟以鎮之易今名

延壽橋州東十里

復古橋州治東舊名寺河橋

浮潭橋州東二十里

星橋州東五里跨無量溪其水南合牛首山分流嶺乾溪諸源  
匯為一注南湖入江舊傳此地星隕為石因名

歲豐橋州西門外跨濠河舊名城河橋

濯纓橋州西門外跨玉溪

英溪橋州西北三十里

白鷺橋州西北三十五里

大橋州西北五十三里

雄溪橋州西北七十里



杜杭橋州東南二十里

碧溪橋州東南三十里

冷水澗橋州東南四十里

吳馬橋州西南五十里

右廣德州津梁

廖店鎮建平縣東十里

鴉山鎮縣南九十里

梅渚鎮縣北三十里明置巡檢今因之

郎步鎮今縣治宋端拱元年以廣德縣郎步鎮置建平縣

上橋鎮縣北四十里

下橋鎮縣北四十里

鍾橋市縣北十里亦曰鍾橋街

定步市縣北四十里一名鄧步亦曰定埠街

右建平縣關市

清溪渡縣城南舊有普濟橋後圯易以渡

歐陽渡縣東三十五里

合溪渡縣東南三十里

赤山渡縣西南五里

李村渡縣西南二十五里

東夏渡縣西二十里

荆軻渡縣西北三十五里

丁塘橋縣南三里宋慶元初建

許家橋縣南二十五里宋寶慶中建

龍潭橋縣南四十五里宋淳熙中建



青碧橋縣南八十里宋淳熙初建

通津橋縣北一里宋建一名楊家橋

鍾橋縣北十里宋寶慶中建

泗州橋縣南六十里宋建

北高橋縣北三十里

洪橋縣北三十五里宋建

通京橋縣北四十里

雙橋縣東北十里

諸家橋縣東北二十五里

清溪橋縣東北三十里

大澗橋縣東北六十里

廖店橋縣東十里

沙橋縣東二十里一名上神橋

孝義橋縣東二十五里宋紹定中建

鳳皇橋縣西二十四里宋淳熙初建

三峽橋縣西二十五里宋紹定四年建其水出三山之峽故名

飛鯉橋縣西南二十五里

楊村橋縣西南三十里

宋家橋縣西北五里宋建

烏泥許橋縣西北十五里

永福橋縣梅渚鎮北

西梅橋縣北三十里梅渚鎮西宋建

右建平縣津梁

六安州



麻埠鎮州西南九十里即故邊城郡治明初有巡檢萬曆二年改設把總以防礦賊後裁

國朝康熙五十年移和尚灘巡檢駐此

何隆集州西一百二十里

烟墩集州西四十里又迤南為蘇家埠

新店州西南二百二十里金家砦

雙河集州東南九十里河北接合肥界

右六安州關市

上龍津渡州通濟門外俗名上大埠口

下龍津渡州武定門外俗名下大埠口

蘇家埠渡州西南四十里

斷臍洪渡州西四十里

兩河口渡州南七十里

通濟橋州西門外

安定橋州北門外

永壽橋州西七里

白沙橋州北十里

樊通橋州南十里元致和中建

雙龍橋州東四十里元至正中建

廣濟橋州西南五十里

荻衝橋州南七十里

木場鋪橋州北四十里

孝感橋州西北六十里

右六安州津梁



柳林關英山縣東七十里

石門關縣西北九十里與湖廣羅田縣接界

七引關縣西八十里路通霍山有巡檢

隘口縣東南三十五里與太湖縣接界極為險要

楊柳灣市縣東北三十里

雷家店市縣東北四十里

東界嶺市縣東北一百里

大畝河市縣南十五里

百丈橋市縣南二十里

方家嘴市縣南三十里

土門潭市縣北十五里縣志作五十五里

金家鋪市縣北三十里

傅家壩市縣北六十里

清正街市縣北九十里

右英山縣關市

三河口渡縣西二里

崇安橋縣治西今圯

金家橋縣南三里

百丈橋縣南二十里

太平橋縣西北三十里

義橋縣東九十里

牛軛嶺橋縣西百里

右英山縣津梁

梅子關霍山縣東二十里梅子嶺上



金雞關縣西四十里南北兩關對峙路出英山

下符橋鎮縣東北二十里

黑石渡鎮縣西二十里

管家渡鎮縣南三十里

上土市鎮縣西南一百四十里有巡檢舊置於故埠鎮後改鎮為縣因移駐此

干羅畝鎮縣西北一百八十里舊有巡檢乾隆五十四年裁

中埠河鎮縣南四十里

右霍山縣關市

中埠河渡縣南三十里今廢

管家渡縣南三十里

黑石渡縣西二十里

化龍河渡縣北門外今廢

白練灘渡縣西北十里

東平橋縣東二里舊名孫家橋

撞山橋縣北三里迎水寺下

太平橋縣北門外城東濠水由此達河

通光山橋縣北十里

淮西第一橋縣北二十里

洛陽橋縣東二十里今廢

會龍橋黑石渡西北

右霍山縣津梁

泗州

義市鎮州舊治城三里一名金店又名管公店



青陽鎮舊治青十五里

龍窩鎮舊治招五里

包家鎮舊治城四里

雙溝鎮舊治青十一里

上塘鎮舊治仁五里

歡墩鎮舊治辛五里

竹墩鎮舊治東南路通天長六合為江甯之徑道

鐵佛寺集舊治招六里

石家集舊治青四里

馬公店集舊治西青七里

湯家集舊治北

右泗州關市

驛前渡州舊治泗水驛前一名大馬頭渡今廢

橋口渡舊治南門外今廢

頭鋪河渡舊治東南一百六十里

雙溝渡舊治東南九十里

胭脂橋舊治南門外橋下有池水色紅紫名胭脂河故名

濯清橋舊治南門外

渭橋新治北五十里北通白陽河南通長直溝至五河入淮亦

漕運之閒道

攔駕橋舊治北青陽集西

斷仙橋舊治西北一百五十里重岡山下接虹縣界又汴泗橋

在州治西跨汴水永甯橋在西門內天梯橋在察院南今俱沒

於水



官莊橋舊治西北影塔湖側

右泗州津梁

盱眙關盱眙縣北

龜山鎮縣東北三十里龜山下南宋屯重兵於此元豐九域志

盱眙縣有盱眙平源龜山三鎮

舊縣鎮縣西北六十里即宋招信縣治舊設巡檢今裁

木場鎮縣西南元豐九域志招信縣有木場鎮

三官集縣東四十五里

義井集縣東南二十里

通淮集縣東六十里接山陽縣界即翟家壩

東永興集縣東四十五里

岡村集縣東六十里

高廟集縣南三十里有東西二集

古城集縣西南六十里接來安縣界

津里鎮縣西南七十里俗名津泥集

石壩集縣西南一百里

紅廟集縣西南一百二十里縣志作西九十里

澗溪集縣西南八十里水道通商為邑之首鎮

獨樹集縣西九十里

大義集縣西北八十里

浮山集縣西北一百里縣志作一百二十里

土沛集縣西北一百二十里

右盱眙縣關市

喬家橋縣東二十里



四十里橋縣南四十里

自來橋縣南四十里橋南

豐登橋縣東北

洪澤橋縣南二十里跨古河

灑金橋縣西南今存遺堞

寶積橋縣西南三里寶積山下

三星橋縣東霧澗淨土庵下

拖板橋縣北

右盱眙縣津梁

下阿村天長縣東北下阿溪上接高郵州界寰宇記唐開元中

於下阿村置千秋縣即此

蘆龍鎮縣東二十里

秦蘭鎮縣東四十五里

汜澗鎮縣西南四十五里

銅城鎮縣西北四十五里元豐九域志天長縣有銅城石梁二

鎮

城門鄉鎮縣東北四十五里相傳舊嘗置縣於此有巡檢

大儀鎮縣東南六十里接揚州江都縣界宋韓世忠嘗屯兵於

此

龍岡鎮縣東北五十里接高郵州界

楊村集縣北二十里

金家集縣東南三十里

萬安集縣東二十五里

便益集縣西北二十五里



右天長縣關市

新河橋縣東城市外

七里橋縣南七里

鷓鴣口橋縣北十八里宋紹興初韓世忠別將敗金於鷓鴣口橋卽此

汴子橋縣東南二十里

蘆龍橋縣東二十三里

白馬橋縣東三十五里

秦蘭橋縣東四十五里

香溝橋縣東五十里

濟美橋縣西三十里卽古石梁橋歲久傾圮明崇禎時重建更名三驄橋久廢今設渡

王橋縣東北十里

便民橋縣西南四十五里汴澗鎮元至正開建

右天長縣津梁

安瀾集五河縣南三十里下臨長淮爲水陸通衢一名安淮集

三岔集縣南四十里有公館

三鋪集縣西南仁一里接鳳陽界

永興集縣西二十里

築臺集縣西四十里

雙忠集縣北二十里通虹鄉大路

上店集縣西三十五里澮河南岸明正統閒置巡檢尋裁

園宅集縣西六十里接靈璧界

大興集縣東賓陽門卽今大興街



浮山渡縣東四十里

蔡家湖渡縣西一里

築臺集渡縣西五十里縣志作治南三十五里

園宅集渡縣西七十里

峽石渡縣南十五里今名香廟渡

三全新集渡縣南四十里南岸即臨淮

武家渡縣北三十里

熙登橋縣南一里跨古滄河

橫金橋縣南三里金岡背下

南沱橋縣北二里陡岡下

三衝橋縣西南二十里三衝溝

榮家橋縣東北十七里

北沱橋縣北三里故軍店南

便意橋縣西南仁三里外有土壩東通臨淮關西通草場湖鳳

陽界

雙忠橋縣北二十里雙忠廟池西

界溝橋縣北四十里虹鄉界南

古鐵橋縣東南二里淮河中流水涸則兩傍鐵柱出焉相傳為

古時鎮蛟處

截河橋縣西三十里上店集南

躍龍橋縣西南二十五里赤龍澗

石橋縣西南三十五里石橋鋪

刀澗橋縣西南四十五里磨刀澗







璞謂此處宜城故稱宜城今有宜城渡在府西東濟門外為南  
北渡江要津又東門外有宜城鎮

呂蒙城在府東樅陽門外二里臨江一統志懷甯縣東二十里  
相傳三國吳呂蒙所築今為水次故倉阯又一在桐城縣東相  
傳亦呂蒙所築

樅陽故城在桐城縣東南一百二十里左傳文公十二年楚子  
孔執舒子及宗子遂圍巢杜注宗國名羣舒之屬即樅陽也漢  
書武帝紀元封五年自潯陽浮江薄樅陽而出晉書陶侃傳云  
初領樅陽令而志無此縣蓋嘗復而尋廢也梁書鄱陽王恢傳  
子範鎮合肥侯景圍京邑範乃泝流西上軍於樅陽寰宇記樅  
陽故城在桐城縣東南一百里漢置樅陽縣屬廬江郡梁改縣  
為樅陽郡隋初割屬熙州開皇十八年徙廢舊志元至正十九

年陳友諒之黨趙普勝據安慶結寨樅陽即舊縣也今有樅陽  
上下鎮明初置稅課局正德中裁

魯鎮城在桐城縣南七十里相傳吳魯肅屯兵於此

同安故城在桐城縣東門外寰宇記隋大業九年築十三年為  
李子通所陷因廢隋書地理志梁置樅陽郡隋開皇中廢郡改  
縣曰同安舊唐書地理志同安縣取界內古城為名

山城一名山焦城在桐城縣東南唐書地理志桐城本同安至  
德二載更名自開元中徙治山城地多猛虎毒虺元和八年縣  
令韓震焚薙草木其害遂除

連城在桐城縣東南一百二十里唐書張儉傳儉祖威封皖郡  
父植封連城即此

六兒城在桐城縣南十五里明初黃榮六所築



孔城在桐城縣東三十里宋史李顯忠破敵於孔城卽此  
古巢城在桐城縣南六十三里史記成湯放桀於南巢卽此城  
凡三重俗稱古重城

懷甯故城卽今潛山縣治漢置皖縣晉置懷甯縣隋改熙州唐  
武德四年改舒州以懷甯爲州治南宋爲安慶府端平中以城  
去江遠控禦爲難乃徙治羅刹洲而故城遂廢元至治三年始  
置潛山縣

安樂故城在潛山縣南唐武德五年析懷甯縣置是年省寰宇  
記在懷甯縣南二十里古武功城內武功城梁天監七年大將  
武會所築也

梅城故城在潛山縣北唐武德五年析懷甯縣置七年省寰宇  
記在懷甯縣北七十里故龍鳴城內龍鳴城齊天統三年行臺

右丞盧潛屯兵所築時龍鳴城中移軍在外因號龍鳴城

皖陽故城在潛山縣北二十二里唐武德五年析懷甯縣置七  
年省寰宇記其城居皖水之北故名府志今之山口鎮卽舊皖  
陽也舊城隍廟至今猶存

皖城故縣在潛山縣北寰宇記唐武德五年析懷甯縣置在古  
逢龍城內魏志臧霸討吳將韓當當逆戰於逢龍鎮卽此

連塘城在望江縣西北茗山下委土爲塹周二里門四相傳劉  
裕與盧循戰處遺壘尙存

古桐國在桐城縣北左傳定公二年桐叛楚杜注桐小國世屬  
於楚廬江舒縣西南有桐鄉是後漢書郡國志舒有桐鄉路史  
國名紀桐鄉有三一在舒城

陰安廢縣在桐城縣東南八十里本漢魏郡屬縣在今大名府



界劉宋時僑置於此寔字記陰安故城在桐城縣東南一百八  
十里劉宋置隋開皇三年罷郡縣遂省

呂亭廢縣在桐城縣東北宋書州郡志文帝元嘉二十五年以  
豫部蠻民立呂亭縣屬晉熙郡寔字記有呂亭山在縣北十七  
里縣志相傳吳呂蒙駐師於此今置驛

太湖左縣在太湖縣東北二里卽今東嶽廟寔字記劉宋文帝  
元嘉二十五年置在龍山太湖水之側元嘉末移就平原去舊  
縣三十八里

東陳廢縣在太湖縣東四十四里齊高帝建元二年置屬龍安  
郡陳太建五年廢

青城廢縣在太湖縣東四十里本魏將曹仁築唐書地理志武  
德四年析太湖置青城荆陽二縣七年省青城入荆陽八年省

荆陽入太湖縣志青城今名上格城

荆陽廢縣在太湖縣東四十五里其城依據山險唐書地理志  
武德四年置八年省入太湖

松滋漢志作茲廢縣在宿松縣北五十里漢元始五年封六安共王  
子霸爲松滋侯國於此寔字記宿松縣在舒州西南一百六十  
里本漢松滋縣

同安監在潛山縣東元豐九域志在舒州東八十里宋史地理  
志同安監熙甯八年置鑄銅鐵

正氣樓在府正觀門外余忠宣闕廟左山阜

四望樓在府治東登眺四望江山風景舉在目中

中江樓在府鎮海門外江澣

潛峯閣在潛山縣北明統志在故州治之通判廳宋王安石通



判時讀書處

擢秀閣在潛山縣北五里輿地紀勝宋陳瑩中嘗於此讀書後擢第黃庭堅因以擢秀名閣

天柱閣在潛山縣明統志在舊郡圍宋郭祥正曾宏父皆有詩久廢府志今在府治正觀門外大江滸明郡守胡纘宗建登閣西望天柱巋然

太子閣在潛山縣天柱寺相傳梁昭明讀書處

紫玻璃亭在府城雙蓮寺後明劉若宰讀書處夢神以紫玻璃授之因以名亭

天開圖畫亭在府學後枕山面江爲郡佳勝元余闕有詩惜陰亭在桐城縣東南樅陽鎮晉陶侃令樅陽後人慕之取其當惜分陰之語爲建此亭

時公亭在桐城縣北二里府志漢邑令時姓者休致於此故名達觀亭在桐城縣樅陽鎮宋黃庭堅讀書於此

傅巖亭在潛山縣宋李師中爲王介甫築

古石亭在潛山縣東北三國志吳主孫權至皖口使將軍陸遜等敗魏揚州牧曹休於石亭卽此

橋公亭在潛山縣北三里寰宇記在縣北隔皖水一里卽漢末橋公所居今爲雙溪寺

涪翁亭在潛山縣西北二十里山谷寺中以宋黃庭堅得名又有涪翁書臺

止滋亭在太湖縣白雲山海會寺宋嘉定趙容之創明嘉靖二年寺僧得石刻曰止滋復建此亭

清風亭在宿松縣東郭外三里潛佳山李白贈闔邱詩有一朝



風化清之句因以名之  
梳妝亭在宿松縣南一百四十里小孤山頂名勝志小孤山西  
小孤廟對岸爲澎浪港俗譌爲彭郎遂有小姑娘彭郎之說後  
人又建梳妝亭附會之

對酌亭在宿松縣南臺山李白與閻邱某舉杯邀月處

純孝亭在望江縣南臺寺側宋紹興中邑令趙師傳建合祀吳  
孟宗晉王祥唐徐仲源三孝子清熙中趙師循爲令更繪三賢  
像祀之

立化亭在潛山縣山谷寺爲三祖燦合掌立化處

廉泉亭在望江縣西十里寺廉泉之上

超然臺在府治東北雙蓮寺右元虞集有詩

射蛟臺在桐城縣縱陽鎮相傳漢武帝射蛟處漢書武帝南巡

登天柱山自潯陽浮江親射蛟江中獲之

祭臺在潛山縣皖山麓漢武帝祭嶽處

皖伯臺在潛山縣明統志在舊太平寺前以周大夫封皖伯而  
名

仙人臺在潛山縣白鹿巖東北廣五丈上有仙人足跡又有一  
臺在金鐘潭上平石可坐百餘人石上有百餘字剝落不可辨  
天樂臺在潛山縣明劉若實渡石梁踞天池鼓琴聞空中奏天  
樂有異禽千數從天柱飛來音同笙磬

舒王臺一作舒臺在潛山縣東南相傳宋王安石讀書處安石  
後封舒王因以名臺

煉丹臺在太湖縣香茗山府志相傳漢梅福煉丹於此

焚身臺在太湖縣鏡明山府志昔有僧法寶禱雨不應遂焚身



卽得雨嘗有燈光見其處

分經臺在宿松縣北五十里有石臺高百餘丈相傳梁昭明太子於此分金剛經爲三十二分因名宋嘉泰間增建法華亭

釣魚臺在宿松縣陳漢山溪旁相傳唐張果垂釣於此

讀書臺在宿松縣南三里相傳唐李白脫永王璘軍至宿松依邑宰閻邱某築臺讀書於此

孟宗臺在望江縣北山阜穹起若臺相傳孟宗爲監池魚官嘗登此

泣筍臺一名泣竹臺在望江縣城內三孝祠後相傳吳孟宗母嗜筍嚴冬宗攀竹而泣筍卽破土出宋蕭服爲望江令訪古蹟得王祥臥冰池孟宗泣筍臺皆爲築亭又刻唐縣令翹信陵文於石以勵民俗

國朝康熙十八年知縣陳柿祚立碑

太白讀書堂在望江縣西十八里值雪山府志李白避祿山之亂於匡廬司空閒往來雷池值雪乃築室於此讀書又一在太湖縣司空山有詩云卜築司空原卽其地也今遺址尙存左真人仙堂在潛山縣眞源宮唐寶曆二年建開成五年張虛白撰記

雲會堂在潛山縣眞源宮宋慶元五年建

靜山堂在潛山縣治舊郡堂也宋王安石詩皖城終歲靜於山府掾應從到日間後人摘其詩句名堂

九帶堂在桐城縣浮山會勝巖上宋僧法遠垂帶示眾處又巖上有歐陽修與僧法遠拈碁說法遺址

三祖禪堂在太湖縣與司空山近



三孝堂在望江縣治北元至正中建爲吳孟宗晉王祥唐徐仲源也後改爲祠

涪翁書堂在潛山縣黃山宋黃庭堅讀書處

三至堂在府治東明統志宋元豐間郡守楊希元建其祖淳化中守皖父天聖中爲通判至希元凡三至郡故名考府治自端平三年始徙今處其初治在今潛山縣楊希元三至堂宜在懷甯故縣明統志誤

大節堂卽今府堂元季郡守韓建拒盜保城余闕因以大節名其堂並作記

孟宗宅在望江縣西北一里卽泣竹生筍處

英輔齋在潛山縣太平寺東宋王珪讀書處

萬松山房在府西門外宋馮京讀書處

青山石屋在桐城縣城中晉裴仙人修煉處

龍眠山莊在桐城縣西北龍眠山宋李公麟爲泗州參軍歸老於此號龍眠居士自繪龍眠山莊圖蘇轍有龍眠山二十詠蘇軾爲之跋云山側爲

國朝大學士張英賜金園

松壑別墅在潛山縣撥蒿阪宋處士金良貴棲隱之所

練潭館在桐城縣西南明王守仁有練潭館詩

西溪館在潛山縣城西寰宇記唐刺史呂渭喜舒州山水於城西設館覽一州之勝

白雲舊里在府城正觀門外宋白雲守端禪師於此悟道

昭賢里在望江縣北八里唐孝子徐仲源事母以孝聞母卒遇

雷雨輒伏墓側呼號德宗敕號所居里曰昭賢鄉曰孝感又敕



於母墓傍築孝義墩白華軒今墩尚存

順孫里在望江縣涼泉明嘉靖閒龍涌事祖母以孝聞詔樹慈順坊於其里故名

蓮花書院在望江縣小茗山漢梅福曾避地於此至唐羅隱復來居之洞竈遺趾尚存

禹江書院在宿松縣治西明郡守李遜講學處

慈湖書院在望江縣慈湖阪元王幼學讀書講學於此著有綱目集覽幼學別號慈湖

二良書院在府治東為文翁朱邑建

雨社在宿松縣西十里漢縣令張何丹禱雨處

藤墩在府東城內舊有大樹覆墩垂藤如織

酒島在潛山縣山谷寺前有石島色殷紅如赤玉清流映徹光

彩絢爛如霞潛山十景之最也

太子墩在懷甯縣西北八十里欽化鄉相傳魏武帝至此生子令三軍撮土為墩以紀焉

長風沙在府東六十里李白長干行云相迎不道遠直至長風沙卽此亦名長風城齊吳子陽與豫州刺史戰於此按府志齊軍主吳子

陽侵魏與豫州刺史戰長風城舊志云此而失侵魏字然北魏疆域不及安慶何以侵戰於此疑誤宋周湛充江

淮制置使謂長風沙最險者石牌灣鑿河十里避之

皖口在府西十五里為皖水入江之口相傳唐李涉遇盜投詩處

將軍沖在府北門外元余闕引江水通五濠三塹屯兵於此以拒僞漢

仙田在宿松縣北五十里卽西漢松滋縣治匡阜真人修煉於



此後張何丹爲令時有嘉禾無種自生故名

晉陵阪在府北四十里大豐鄉獨山之下有大阜隱隆若釜卽陵也不知何代昔嘗有人開田見石門遂止其旁纍纍皆疑冢玉鏡鄉在潛山縣北寔宇記唐貞元二年皖山東南忽然爆裂皎然如玉行路遠見如鏡懸焉刺史呂渭奏聞因改萬歲鄉爲玉鏡鄉府志一名玉照以宋黃庭堅詩仙人持玉照畱在潛峯西故也

白鹿洞在潛山縣天柱山寔宇記唐天寶中有二鹿見故名

石牛洞在潛山縣二十里山谷寺西大石如牛眠旁有蹠跡明統志宋黃庭堅嘗讀書石上李公麟爲之繪圖庭堅題詩其上所謂青牛駕我山谷道是也又有石牛精舍在山谷寺中石蓮洞在宿松縣南五里石屋嵌空若青色芙蓉上鐫三字爲

### 唐羅隱筆

流雲峽在宿松縣嚴恭山峭石插天飛泉出罅宋蘇軾題曰流

雲峽

按縣志作明程大猷書

南夾戍在桐城縣北四十七里寔宇記張遼所築在古廬州南故名縣志西峽山在縣北四十七里卽古南夾戍也

六百丈在桐城縣東二百里樊若水乘小舟載絲繩以度江之廣狹此處闊六百丈故名

大雷戍卽今望江縣治晉時置戍寔宇記晉安帝於此立新治縣亦爲大雷戍宋書注云自尋陽柴桑沿流三百里入江卽新治縣也卽爲大雷戍隋改今名舊志宋末嘗遷治於東流之香口鎮元初復還舊治

新寨在太湖縣西十里新寨山壁立險阻元末邑人立寨其上



木鵝洲在桐城縣東南百二十里縣志相傳南唐與周世宗割江爲界以木鵝浮江中隨所之以定南北鵝乃循洲入小港而下因名

海眼在宿松縣小孤山江中宋謝枋得詩人言此是海門關海眼無涯駭眾觀卽指此也

浮笠洲在宿松縣龍湖中府志昔有仙人煉丹於沙渚汀圓如笠隨水上下夜常有笛聲漁人夢寐中髣髴有聞者翼日獲魚必多

大勝磯在府城西二十里府志明巡撫史可法大敗流賊於此故名

釣魚磯在太湖縣龍山崖下懸崖峭壁有大石橫於水上字甚古剝落不可盡辨中有云波光照影肝膽寒嵐氣逼人毛髮立

府志邑人以沙水洗苔蘚知爲倪德元作

鱸溪在潛山縣吳塘魏武帝行軍至潛忽思鱸膾左慈取銅盤釣之得數十尾武帝釋其半於溪時正暮春今惟桺絮飛時有之謂之楊花鱖

令公潭在潛山縣東門漢末邴令公與妻陸氏同死難於此

桃花潭在宿松縣城西上河口唐張旭李白皆有詩

龍潭在望江縣南二里唐邑令鞠信陵禱雨沈鐵板丹書處

盡忠池在府西門外舊名清水塘元末余闕殉難於此因改今名

雲池在潛山縣眞源宮東池中嘗起五色雲

洗馬池在太湖縣東北一百三十里明統志在縣西北一百六十里卽古司空原唐李白嘗避地於此有詩曰卜居司空原北



將天柱鄰

滂池在宿松縣東南六十里眾水所匯中列塵市利於魚鹽崇禎中縣嘗徙治於此

臥冰池在望江縣埠南岸寰宇記在縣西南二十里即晉王祥臥冰取魚處明統志臥冰池在縣南二里晉王祥自臨沂扶母避地於此人慕其孝因以名池池在方公隄內有碑亭今亭地碑存方公隄詳水利

讓泉在府西門外泉極清冽汲者爭則竭讓則涌

趙州泉在桐城縣投子山趙州和尚飛錫得泉處

鶴泉在潛山縣白鶴道人止處鶴起泉流

錫泉在潛山縣梁寶誌公卓錫得泉處

雙螭泉在潛山縣西北皖山頂明慈禪師所住菴掘地見雙螭躍出泉輒涌

山谷流泉在潛山縣山谷寺佛殿後有黃庭堅題額周圍石甃澄泓不流名曰摩圍泉庭堅最愛飲之遂自號摩圍老人

西源九井在宿松縣西源山自麓至巔九井如貫惟第七井在山半峭壁旱時捫蘿而上得水急返雨輒至

風節井在府城按察使署後元余闕妻蔣氏率女安安盡節於此明知府姚正敘其事并勒銘於石後人建亭覆之按忠宣公夫人姓氏

元史本傳作耶卜氏元史節要作耶律氏元賈伯良撰死節記作蔣氏維揚張毅嘗詢於公之姪孫宗烈云公夫人實蔣氏其耶卜氏耶律氏皆公妾也因錄其語於死節記後以示久遠明姚正風節井敘直書蔣夫人又胡續宗烈夫人祠記云維時與夫人同死者有妾耶卜氏耶律氏有男德臣有女安安是二氏亦皆殉節而非其嫡故詳辨之如此

天泉井在桐城縣南城內明末流寇圍城城中渴甚有小兒戲掘一井泉忽大涌因連掘十餘穴穴皆涌泉全城賴以存活

喬家故井在潛山縣彰法山麓府志相傳漢末喬公有二女居



此皆國色孫策克皖娶大喬周瑜娶小喬二女以殘脂粉投井中後井水常有脂粉色

夢井在潛山縣真源宮前府志唐天寶中明皇嘗夢遊此因賜名中使王越賓題詩有憑誰借問岳前叟曾託吾皇一夢來之句

司馬龍井在望江縣菩提寺北明統志井水可愈疾相傳有紫沫浮井上累日始散識者以爲龍涎云

望湖石在桐城縣西門外黃庭堅讀書處

詩崖石在潛山縣吳塘水南水激石如漱玉十景之一也

憩錫石在宿松縣西南五里佛坐嶺石分爲三亦曰三台石五祖宏忍大師欲卓錫於此聞龍湖水腥吟曰生平不愛魚池水風動波聲也帶腥遂飛錫去又且記石在巖公山五祖愛其幽

勝欲建道場於此良久曰此處有千年山而無千年水乃抱一巨石置之曰且記此

碁盤石在太湖縣良埠灣相傳梅福與仙弈此石上

傳衣石在太湖縣司空山二祖慧可傳衣與三祖燦處又有葫蘆石相傳二祖祕記存焉

石鏡在府城西北懸石丈餘光明如鑑

鐵牛在府城寧宇記云漢書地理志皖有鐵官鑄鐵作牛以鎮此地府志江潁多水怪初建城治鐵鎮之凡五處一集賢門內一盛唐門內一山川壇東一天柱閣右一萬億倉俱藏土中微露牛脊時有聞喘聲者驚其異稱爲鐵牛大將軍

四鑊在潛山縣府志相傳漢武帝移南嶽之祭於潛霍山山高無水廟有四鑊可受四十斛祭時水輒自滿祭畢卽空歷代歲



皆四祭後改三祭一鑊遂敗

飛來鐘在府雙蓮寺有大鐘浮江而下寺僧迎之遂止

六鐘宋文帝元嘉七年帝將征關洛潛山有鐘十二聲發地中

山崩六鐘自出制合古式聲中律呂上有古文一百六十字

鶴駕在潛山縣城外宋元豐閒每歲仲春有鶴數千羣蔽天而

來回翔飛舞於空張春遊潛見之作鶴駕詞

三祖塔在潛山縣西北二十里窳宇記在潛山縣山谷寺東北

唐大曆七年敕改爲覺寂塔峭壁閒刻杜牧金陵懷古詩

藏書塔在望江縣東三里知縣師範去官時藏書於此

奎文塔在望江縣南門外義渡旁道光四年建



